

فيديو ٧٨٧ من مقاطع حظر التجول تدبر آل عمران حلقة ٩٢

الآياتان ٣٠١ - ٢٠١

فاضل سليمان

الرحيم السلام عليكم ورحمة الله وبركاته. اهلا بحضراتكم في المقطع رقم سبعينية سبعة وثمانين من مقاطع حظر التجول والحلقة التاسعة والعشرون من حلقات تدبر سورة آل عمران ارجو من حضراتكم تجيبيوا المصاحف - 00:00:00

تدبرنا امبارح ايتين بيحدروا المؤمنين من طاعة اهل الكتاب. اللي بيحاولوا يلقوا في قلوبهم الشبهات علشان يردوهم عن الاسلام اقرأ كده معی الآية میة والآية میة وواحد عشان تفتكر احنا کنا بنتكلم في ايه - 00:00:25

اعوذ بالله السميع العليم من الشيطان الرجيم يا ايها الذين امنوا ان تطيعوا فريقا من الذين اوتوا الكتاب يردوكم بعد ايمانكم كافرين وكيف تكفرون وانتم تتلى عليكم ايات الله وفيكم رسوله - 00:00:45

ومن يعتصم بالله فقد هدي الى صراط مستقيم يعني مش ممكن هيکفر اي انسان معتصم بالله ومتمسك بالقرآن وبالسنة وفيكم رسول لان بتمسكه ده بربنا كده ربنا هداه للصراط المستقيم. ومن يعتصم بالله فقد هدي الى صراط مستقيم - 00:01:09

اقرأ بقى معی الآيتين اللي هتدبرهم الليلة بازن الله. الآية میة واثنين والآية میة وتلاتة يا ايها الذين امنوا اتقوا الله حق تقائه ولا تموتن الا وانتم مسلمون واعتصموا بحبل الله جمیعا ولا تفرقوا - 00:01:37

واذكروا نعمة الله عليكم اذ كنتم اعداء فالف بين قلوبكم فاصبحتم بنعمته اخوانا وكتتم على شفا حفرة من النار فانقذكم منها كذلك يبيین الله لكم اياته لعلكم تهتدون ربنا بینادي المؤمنین - 00:02:05

يا ايها الذين امنوا وبیأمرهم بتقوى الله وبیأمرهم امر تاني غريب اوی هو مش امر هو ناهي بینهاهم انهم یموتوا. بیقول لهم ولا تموتن الا وانتم مسلمون هو حد في ایده یموت ولا ما یموت؟ بینهاهم عن الموت الا في حالة وهم مسلمين. هو في حد یقدر واحد یموت في اي لحظة - 00:02:35

ما حدش یقدر یتحکم في موته بیقى لو الفعل اللي انت بتنهی عنه مش في ایدك لكن الحال في ایدك بیقى الامر ده ما یخصش الفعل ده یخص الحال يعني ايه ؟ يعني انا مش في ایدي اموت ولا ما اموتش ، فلما ربنا يقول لي ما تموتش - 00:03:05

الا وانت في حالة کذا بیقى الامر یخص الحالة ان ما فيش مننا حد یضمن ان النفس اللي بیاخدہ ده هیطلع هیلحق یطلعه وهو حی یعني ناس كتير اوی يا جماعة بیخططوا لثلاثین سنة جایة. وماتوا في السانیة اللي هم بیخططوا فيها - 00:03:25

بیقى عشنان احق لا تموتن الا وانتم مسلمون. معناها ان انا اتمسك بالاسلام واعتصم بالاسلام في كل سانیة في حياتي. حتى اذا جاءني الموت فجأة اكون مستعد بیقى لا تموتن الا وانتم مسلمون. يعني تمسكوا بالاسلام كل لحظة من لحظات حياتكم. ده الامر - 00:03:45

ودي جت مرتين في القرآن لا تموتن الا وانتم مسلمون. طبعا فاکرین في سورة البقرة. دي الوصیة بتاعة مین ووصی بها ابراهیم بنیه ویعقوب يا بنی ان الله اصطفی لكم الدين - 00:04:13

فلما تموتن الا وانتم مسلمون يعني سیدنا ابراهیم وسیدنا یعقوب وصوا ولادهم انهم یتمسکوا بالاسلام في كل سانیة من حياتهم عشان لو الموت جه فجأة بیقوا مستعدین واضح طب تعال بقى للجزء الاول من الآية - 00:04:31

يا ايها الذين امنوا اتقوا الله حق تقائه اکتر فعل امر تردد في القرآن هو قل مرت حوالي تلتلمیة اتنین وتلاتین مرة واضح ليه هو اکتر

فعلا رينا بيخاطب النبي بيقول له قل يا ايها الكافرون. قل كذا. قل كذا - 00:04:54

بعدها اعتقاد ان اكتر فعل تردد هو التقوى اعتقاد يعني ده يعني حسب ما انا عملت سيرش سريع كده قد اكون غلطان. لكن كلمة اتقوا جت تمانية وثمانين مرة خمسة وخمسين مرة منهم اتقوا الله - 00:05:15

لان في برضو مرات اتقوا ربكم جت مسلا اربع مرات اتقوا النار جت مرتين اتقوا يوما جت تلات مرات وهكذا التقوى انك تضع بينك وبين الشيء اللي بتتقى حجاب او حاجز يحميك من الخطأ - 00:05:36

طيب اتقوا الله معناه ايه؟ احط حاجز بيني وبين ربنا لأ ده المفروض ان احنا نحاول نقرب من ربنا نشيل الحاجز اللي بيننا وبين ربنا. لكن تقوى الله معناها تقوى غضب الله - 00:05:57

انت بتتقى غضب الله. بتتقى عقاب الله نفسه لا انت عايز تقرب من ربنا انت بتتشيل الحاجز بينك وبين ربنا؟ لكن بتتقى غضب الله بتتقى عقاب الله ازاي بقى - 00:06:12

بانك لا تغضب الله وقلنا ان التقوى بتحصل مع اللي يستطع انه يصل لعيوبه ونقاط ضعفه. يعني لما تعرف انت نقط ضعفك ايه وعيوبك ايه تقدر ابعد عن الاشياء اللي ممكن تقع بسيبها في الحرام. واحد مسلا كان مدمن خمر - 00:06:28

واتعالج في صالح في مصحة من مصحات الادمان. لما بيخرج بيمنعوه انه يقرب من الخماره ما يمشيش على الرصيف بتاع الخماره ليه؟ لانه لو الشيطان لعب به ودخل وخد كاس واحد قبل كده رجع تاني - 00:06:56

انا بكلمكم كده على ناس ملحدين بيعملوا كده فهو بيخلوه يتتقى الخمر انه يبعد عنها تماما. انه يعرف نقطة ضعفه. وبيفهموه نقطة ضعفك هي دي. ما تقدعش في حته فيها خمرة. ما تجريش - 00:07:14

ولا نقطة يبقى التقوى انك تبقى عارف عيوبك ونقط ضعفك ثم تاخذ اجراءاتك بحيس ما تقعدش في المعاصي. سيدنا عمر لما سأله ابن عباس طبعا هتقول ازاي سيدنا عمر يسأل ابن عباس؟ ابن عباس كان لسة شاب صغير. سيدنا عمر كان - 00:07:32

بيحب يشجع ابن عباس وبيحب يوري الصحابة قد ايه الولد دهنبيه وشاطر وبيفهم يعني بنتكلم على شاب صغير قوي. ابن عباس كان صغير لكن كان سيدنا عمر شافي فلما سأله - 00:07:51

ويقال ان هو سأل كعب الاخبار ما التقوى؟ قال هل مشيت في طريق فيه شوك؟ مشيت قبل كده في طريق فيه شوك كلمة شوك يعني القصف بتاع الشجر اللي فيه شوكه. عارف انت مسلا ايه شجرة الورد البلدي - 00:08:06

يبقى الفروع بتاعتتها مليانة شوك. الفروع دي لما لما بتتقصف وتبقى صغيرة كده بتبقى في الارض بتمسك في رجلين الناس بتمسك فيه جزم الناس. بتمسك فيه الاتواب والجالايب بتاعة الناس - 00:08:25

فاللوا انت مشيت قبل كده في طريق فيشوكة؟ قال نعم. قال وماذا فعلت؟ قال شمرت واجتهدت. يعني ايه شمرت؟ يعني رفعت توبي لفوق عشان ما يمسكش وعشان اشوف رجلي بتتحطط فين - 00:08:44

اجتهدت اني اضع قدمي مكان ما فيش فيه شوك قال كذلك التقوى تخلي بالك وبتشوف بتتحطط خطواتك فين عبدالله بن عمر بن الخطاب رضي الله عنهما كان عنده رؤية مختلفة - 00:08:59

قال التقوى الا ترى نفسك خيرا من احد عبدالله بن عمر بقى كان مركز على امراض القلوب الحالة النفسية بتاعة المتكبر هي دي اللي توقع الانسان في ايه؟ في الغلط - 00:09:16

فازاي الانسان يتتجنب الكبر ويتواضع لله قال لك ما تزنش نفسك احسن من اي حد في الدنيا كلها تشوف نفسك اقل واحد في الدنيا التقوى قال لك التقوى الا ترى نفسك خيرا من احد - 00:09:38

دي مش سهلة شوفوا يا جماعة الناس اللي كنت بكلمهم يا جماعة لازم نبطل نزكي انفسنا قلت لكم في ناس بتسمى نفسها احنا الملتزمين احنا المتدينين احنا اللي مش عارف ايه لأ - 00:10:02

انت بتقرأ القرآن باستمرار بتصللي دايما في جماعة اوعي تطمئن اوعي تطمئن لنفسك. لان العمل لن يقبل منك الا لو كانت النية خالصة لله. دايما اتهم نفسك كميتي ما كانتش خالصة. بكرة هاقرا قرآن تاني بس هتأكد ان نيتني خالصة لله. بكرة هاروح اصلبي في المسجد

تاني بس نيتني هتنبقي - 00:10:13

خالصة لله هو ده مرة النبي عليه الصلاة والسلام كان قاعد والصحابة في المسجد ودخل رجل المسجد راح يصلی فالصحابة قالوا
الراجل ده على طول بيصلی في المسجد النبي عليه الصلاة والسلام قال ان على وجهه سفة من الشيطان - 00:10:39
وراح سأله وانت داخل المسجد هل حدثتك نفسك انك خير من الناس قال رجل فعلا انا جا لي هزا التفكير طبعا احنا لا نعاقب على
حديث النفس. ولكن ممکن ازا لم نقاوم حديث النفس اللي زي ده اللي بيخص النوايا ممکن النوايا دي تبطل العمل بتاعنا. احنا مش -

00:10:54

على مجرد حديث نفس لكن ممکن النوايا دي تبطل العمل يبقى لازم باستمرار انت ماشي بتتصحح النية عشان كده ربنا ربط التقوى
بالفلاح. ده هتجد دايما التقوى مرتبطة بالفلاح هتجد مسلا آآاتقوا الله لعلكم تفلحون - 00:11:21

وردت مرتين في ال عمران ووردت مرة في البقرة هتجد مسلا في سورة المائدة ربنا بيقول يا ايها الذين امنوا اتقوا الله وابتغوا اليه
الوسيلة وجاهدوا في سبيل الله لكم - 00:11:46

تفلحون وقال فيلم ايه ده برضو فاتقوا الله يا اولي الالباب لعلكم تفلحون. طب ايه حكاية الفلاح؟ طب ليه مش لعلكم تفوزون ما كلمة
الفائزون والفوز وردت في القرآن كثير - 00:12:01

ايه حكاية الفلاح دي؟ اشمعنى الفلاح ايه اصل تسمية الفلاح مفلح يعني ايه الفلاح اسمه فلاج لانه بيفلح الارض. يعني ايه؟ يعني
بيشق الارض ويحط البزرة نحط الحبة لو حد مش فاهم هو بيعمل ايه - 00:12:18

مش فاهم يعني ايه زراعة هيقول له انت مجنون! حد يرمي الحب اللي ممکن ناكله في الارض انت ماشي تحط حبة فول في الارض
بتشق الارض وتحط حبة الفول وتردم عليها انت مجنون انت بتتضيع الفول - 00:12:46

هو مش فاهم ان الزراعة معناها انه اما بيحط حبة الفول دي ويسيقها كذا يوم وتبدأ تنبت فالفلاح في الحقيقة بيرمي الحبوب دي اه
وبيضحي بها اه. بس هو عارف انها هترجع له اضعافا مضاعفة. انتم عارفين حبة الفول بتطلع نبتة. النبات بتاع الفول ده - 00:13:00

خلال شهرين ثلاثة بيعمل خمستاشر قرن فول انا فلاج بقى خمستاشر قرن كل قرن فيه من سبع لثمان حبات فول. يعني الحبة اللي
اترممت في الارض دي بتجيip لنا من مية وعشرين لمية وخمسين حبة فول - 00:13:23

خليني اوريكم بصوا الصورة اهي. جبت لكم الصورة من حلقة الناتا ده كله طالع من حبة واحدة حبة واحدة تتحط في الارض تطلع
نبتها تطلع عشرة خمستاشر قرن كل قرن جواه سبع ثمن حبات فول - 00:13:39

يبقى ده اسمه فلاج. الفلاح بيرمي الف حباية بيررجع له اكتر من مية وخمسين الف حباية افلح ان صدق. يعني هيكتب كتير لو صدق.
التقوى انك ليه بقى علاقة بقى التقوى بالفلاح؟ ليه دايما ربنا يقول ايه - 00:13:57

اتقوا الله يا اولي الالباب لعلكم تفلحون. ايه علاقة التقوى بالفلاح؟ التقوى انت بتضحي فيها بشهوات معينة بتkick الشهوات
بتkickها بتkickها عن المتعة الحرام. فيعود عليك باضعف هذه المتعة - 00:14:17

اتقوا الله يا اولي الالباب لعلكم تفلحون. هتضحي دلوقتي بمتع معينة وتكبح شهوات معينة هترجع لك مضاعفة شفت بقى علاقة
الفلاح بالتفوى الاية ايه؟ الاية مية واتنين بتاعتنا يا ايها الذين امنوا اتقوا الله حق تقاته ولا تموتون الا وانت مسلمون. حق تقاتل صحابة
- 00:14:41 -

كانوا هيموتوا لما سمعوا كده. الرسول عليه الصلاة والسلام ما نقدرش حق تقاتل. يعني اتقوا الله اتفوي الصح. مين يقدر يتقى الله حق
تخاطئ؟ ما نقدرش. فنزلت الاية اتقوا الله ما استطعتم - 00:15:09

في مفسرين قال لك ايه؟ دي بتنسخ دي بتنسخ يعني بتتفسر. يعني بتبيين المبهم. يعني فيه شيء كان كان نازل عام فبتخصصه بتبيين
المبهم اتقوا الله ما استطعتم ما هياش مختلفة عن اتقوا الله حق تقاته. معناها اتقوا الله حق تقاته ما استطعتم - 00:15:23
على قد ما تقدروا تتقوا الله وتجيبوا اخركم في التقوى. ده معناه يبقى اتقوا الله حق تقاته انكم تتمسكون بالاسلام فما يحصلش ابدا
انكم تموتون على الكفر. هو ده معناها - 00:15:50

يا ايها الذين امنوا اتقوا الله حق تقاته ولا تموتن الا وانت مسلمون. طب وايه كمان عشان ابقى بتقى الله حق تقاته. اقرا كده مية وتلاته واعتصموا بحبل الله جمیعا ولا تفرقوا. يعني مش بس حتموتوا يعني مش بس تتمسكوا بالاسلام كل سانية في حياتكم. لأنكم - 00:16:06

واعتصموا بحبل الله جمیعا ولا تفرقوا واذكروا نعمة الله عليكم اذ كنتم اعداء فالله بين قلوبكم فاصبحتم بنعمته اخوانا وكتتم على شفا حفرة من النار فانقذكم منها. كذلك يبيين الله لكم اياته لعلكم تهتدون - 00:16:28

يبقى عشان تتقوى الله حق تقاته لا تموتن الا وانت مسلمون. وقلنا ازاي ؟ تتمسك بالاسلام كل لحظة في حياتك. وايه كمان اعتصموا بحبل الله جمیعا ولا تفرقوا وايه كمان ؟ وتذكروا نعمة الله عليكم - 00:16:48

اللي هي ايه ؟ اللي هي الوحيدة بعد التفرق قلنا لا تموتن الا وانت مسلمون تتمسكوا باللي يسيبكم لحظة لحياتكم. طب واعتصموا بحبل الله جمیعا ولا تفرقوا يعني تتمسكوا بحبل الله. يعني - 00:17:06

بشرع الله. يعني بالقرآن بكتاب الله. يعني بالسنة اللي هي وهي من الله ولكن عبر عنها النبي بالفاظه هو وتتمسكوا بشرع الله ده وانت مجتمعين وكلمتكم غير مفرقة. واعتصموا بحبل الله جمیعا - 00:17:20

ولا تفرقوا. الكلام ده ليه بقى ؟ عشان الناس اللي بيقول لك موضوع ان احنا نقيم دوله الاسلام ونوحد كلمة المسلمين. الكلام ده ما لوش اي مكان من الاعراب والكلام ده مش موجود في الاسلام واهم حاجة العقيدة واهم حاجة وهو ما بيفهمش غير في الموضوع ده. مين قال لك كده ؟ ده انت من عقیدتك الاعتصام بحبل - 00:17:40

لا هي جمیعا ولا تفرقوا يعني الوحيدة. وحدة المسلمين ووحدة كلمة المسلمين اساس في العقيدة واساس في ملة ابراهيم واساس في دين الاسلام ما ينفعش ان حد يدعي ان هو مسلم ويعلم الناس وبعد كده يهمل مسألة توحيد كلمة - 00:18:00

يبقى تتحدوا على الحق مش على الباطل. ما هو ما هو قال لك اعتصموا بحبل الله جمیعا ولا تفرقوا. ما ممكن ناس تعتصم بحبل الشيطان وما تتفرقش. ممكن ناس يوحدها الباطل. احنا نرى ان الحق هو الذي يوحد - 00:18:23

كميل بقى. واذكروا نعمة الله عليكم اذ كنتم اعداء فالله بين قلوبكم فاصبحتم بنعمته اخوانا. افتکروا ايام اللي كنتم متفرقين ومتشرذمين فيها يا جماعة العرب كانوا قبائل متاخنة بتتخانق على شوية معيز وحاجة كانت فضيحة - 00:18:44

جه الاسلام في زرف عشرين سنة كانوا بيوقدوا دوله الفرس ودوله الروم اكبر حضارتين دي الفين وخمسينية سنة ودي الفين سنة. وبيقيموا دوله واحدة اكبر دوله العالم دوله العدل والاحسان - 00:19:08

ده حصل ازاي ده ! ده معجزة دي نعمة الله واذكروا نعمة الله عليكم اذ كنتم اعداء فالله بين قلوبكم فاصبحتم بنعمته اخوانا اعداء كنتم بتسفكوا دماء بعض لاسباب تافهة بتقتلوا بعض. لما تتذكروا هذه الايام - 00:19:28

مش هتحبوا انها ترجع تاني ابدا علشان تحافظوا على وحدتكم. وعشان الشيطان ما يدخلش بينكم افتکروا الضرر بتاع الفرقه والتشرذم علشان تخافوا على وحدتكم. واذكروا نعمة الله عليكم اذ كنتم - 00:19:50

عداء فالله بين قلوبكم يعني ايه ؟ يعني الالفة يعني الحب نعمة من الله نعمة الله عليكم ليه ؟ كنتم اعداء فالله خلى فيه حب بين قلوبكم. يبقى الحب نعمة من الله - 00:20:07

فاصبحتم بنعمته اخوانا. كنتم تتصروروا وانت بتحاربوا بعض. وبتسفكوا دماء بعض انكم في يوم من الايام هتحبوا بعض وتبقوا زي الاخوات الاخوة جمعت بين الاوس والخزر اللي كانوا بيقتلوا بعض بقوا اخوه - 00:20:24

الانصار ضحوا بكل حاجة عشان اخواتهم المهاجرين بص في عدد اللي خرجوا في غزوہ بدر تجد الاقلية من المهاجرين والاكثرية من الانصار. مع ان الانصار ما لهم حاجة عند آآ عند قريش - 00:20:45

ايه اللي يخليلهم يطلعوا ويحضروا بحياتهم دفاعا وانتقاما لاخوانهم المهاجرين حب في الله حالة من الحب غريبة مين اللي انقذكم من النار ؟ وكتتم على شفا حفرة من النار فانقذكم منها - 00:21:02

ده انتم كنتم بتبعدوا اصنام من الحجر. وكتتم بتطوفوا بالبيت عرايا كنتم على وشك تقعوا في النار خلاص وكتتم على شفا حفرة من

النار فانقذكم منها. كذلك يبيّن الله لكم اياته لعلكم تهتدون - [00:21:22](#)
كنتم على حرف حفرة و هتقعوا في النار فانقذكم منها. مين اللي انقذكم منها ربنا؟ طب انقذنا ازاي يعني ناس هتقع في النار خلاص هتقع. حصل ايه ؟ فيه حبل اتدلل. فمسكوا فيه وتشبّتوا فيه في اخر لحظة. اطلع لاول الاية - [00:21:42](#)

واعتصموا بحبل الله جميعاً يبقى الاعتصام بالحبل ده هو اللي خلاهم ما يقعوش في النار. شف التشبيه خطير. كلام له معنى عقائدي وفي نفس الوقت بيرسم لي لك صورة زهنية كانك بتتفرج على فيلم - [00:22:03](#)
فيلم انتاجه متكلف ملابين الدولارات عشان يجيّب لك الصورة الذهنية دي ناس هتقع في النار ولقوا حبل ويتمسّكوا فيه مش معقول!
قال النبي صلى الله عليه وسلم ان هذا القرآن سبب - [00:22:21](#)

طرفه بايديكم سانية واحدة اشوف كده اهو ان هذا القرآن سبب ترفة بيد الله. وطرفه بايديكم. فتمسّكوا به فانكم لن تتضّلوا ما ان تمسّكتم به. كلمة سبب يعني حبل السبب يعني حبل. ربنا قال في سورة الحج - [00:22:39](#)
اللي تدبرناها فليمدد بسبب الى السماء ثم ليقطع اذا سبب يعني حبل يقول القرآن ده عبارة عن حبل من ناحية في ايد ربنا ومن الناحية الثانية في ايديكم انت تمسّكوا به عشان لا تتضّلوا ابداً بعد ما تمسّكوا به - [00:23:02](#)

تمسّكوا بالقرآن. طب نتمسّك بالقرآن ازاي ازاي نحطه نعلقه على الحيطان نحطه في التابلوه بتاع العربية نعمل ايه عشان نتمسّك بالقرآن دي الطريقة اللي ربنا قال عليها كتاب انزلناه اليك مبارك ليديروا اياته - [00:23:22](#)
وليذكر اولو الالباب يعني بالتدبر لا مفر من التدبر وقولها لكم تاني اهو. انا لا اقل ابداً من اهمية حفظ القرآن لكن حفظ القرآن بدون تدبر. لا يكفي ولا يحفظ الانسان من الكفر. وانا اعني ما اقول. باقولها لكم بصراحة - [00:23:44](#)

حد فاهم لو حفظ القرآن كله بدون فهم وبدون تدبر هو كده ربنا هيحفزه ويحفز ايمانه بيضحك على نفسه كذلك يبيّن الله لكم اياته لعلكم تهتدون. التذليل ده بتاع الاية يرجعك تقرأ الاية كلها تاني - [00:24:05](#)

يعني انت بتقرأ اية اخيرا ربنا بيقول لك ايه؟ كذلك يبيّن الله لكم اياته لعلكم تهتدون. يعني الكلام اللي فات ده فيه الهدایة تخلّيك ترجع بقى تقرأ الاية تاني من اول وجديد - [00:24:26](#)

يعني يعني بيقول لك ان لو ادركت المعاني اللي في الاية دي انت كده ربنا هيهدّيك. يوم ترجع بقى وتقرأ تاني واعتصموا بحبل الله جميعاً ولا تفرقوا واذكروا نعمة الله عليكم اذ كنتم اعداء فالله بين قلوبكم - [00:24:38](#)

فاصبحتم بنعمته اخوانا. وكنتم على شفا حفرة من النار فانقذكم منها كذلك يبيّن الله لكم اياته لعلكم تهتدون وتنتوقف هنا الليلة اللهم انا نسألوك حبك وحب من يحبك وحب كل عمل يقربنا الى حبك. اللهم ما رزقنا ما نحب فاجعله - [00:24:59](#)

وقوة لنا فيما تحب. وما زويت عنا مما نحب فاجعله فراغاً لنا فيما تحب. اللهم اجعل حبك احب من اهالينا واموالنا ومن الماء البارد على الظمآن اللهم حببنا اليك والى ملائكتك وانبيائك ورسلك وعبادك الصالحين. واجعلنا من يحبك ويحب ملائكتك - [00:25:25](#)

وانبيائك ورسلك وعبادك الصالحين اللهم احيي قلوبنا بحبك. واجعلنا لك كما تحب. اللهم اجعلنا نحبك بكل قلوبنا. ونرضيك بكل احسادنا اللهم اجعل حبنا كله لك. وسعينا كله في مرضاتك. اللهم اجعل القرآن الكريم - [00:25:50](#)

ربيع قلوبنا ونور صدورنا وجلاء احزاننا وذهب همومنا وغوممنا ومغفرة ذنبينا. اسأل الله العلي العظيم ان يجعل التدبر في ميزان حسناتي وحسناتكم جميعاً. اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون - [00:26:13](#)

بحق كل حرف في كتابك تلوناه او تدبرناه. اكفنا واهلينا واخواننا واخواتنا شر كل من يكيد لنا ولهم. وحفظنا واياهم من شرورهم ونجعلك الله في نحورهم فانت الوكيل ولا حول ولا قوة الا بك - [00:26:37](#)

الله بحق كل حرف في كتابك تلوناه او تدبرناه. عيد بننصر المباركة فلسطين اللهم سدد رميهم وخيب رمي عدوهم. وكن مع اخواننا في تركستان الشرقية وفي الشام وفي كشمیرا وفي سريلانكا وفي الهند - [00:26:54](#)

وانصر يا رب من نصرهم وانزل يا رب من خذلهم وطهر المسجد الاقصى من الدنس فانهم لا يعجزونك. واكتب لنا يا ربنا ختم القرآن

فيه. اللهم من قضى منا باللوباء المنتشر فاكتبها له شهادة. ومن كان منا او من احبابنا او من اخواننا او من اخواتنا - [00:27:14](#) او من مشايخنا مريضا به او حاملا له فالبسه ثوب الصحة والعافية عاجلا غير اجل. ومن لم يصب به فقه شره وابعده عنه. ولا تسليه الا على اعدائك واعداء دينك واعداء اوليائك - [00:27:34](#)

اللهم انك تعلم ان هذه القلوب قد اجتمعت على كتابك وعلى محبتك والثقة يا ربنا على طاعتك وتوحدت على دعوتك وتعاهدت على نصرة شريعتك فوثق اللهم رابطتها وادم ودها واهدها سبلها واملأها بنورك الذي لا يخبو واشرح صدورها بفيفض - [00:27:52](#) ايماني بك وجميل التوكل عليك. واحيها يا ربنا بمعرفتك. وامتها يا مولانا على الشهادة في سبيلك انك نعم المولى ونعم النصير. وصلی الله وسلام على سيدنا محمد وعلى الله وصحبه ومن تبع هداته. والسلام عليكم ورحمة الله - [00:28:16](#) غدا باذن الله في نفس هذا الموعد ان كنا من اهل الدنيا - [00:28:36](#)